

di gratia li fosse concesso intrar *de praesenti* et in la Procuratia di la chiesa dove era suo padre, et non vol alcun salario fino 1532 *ut in supplicatione*, qual fu lecta, et li Consieri disseno meteriano la parte a Gran Consejo.

Da Brexa, fo lettere del capitano Ferro et Foscari proveditor zeneral, di 17. Come hanno aviso inimici esser passati di là de Adda tutti, et el Capitano Zeneral havia expedito el signor Cesare Fregoso con la sua compagnia a Pizigaton.

210* *Da Crema, di sier Tomà Moro proveditor zeneral, di 17, hore 22.* Come si ha di novo inimici hanno tirato via dal ponte da la banda di qua barche 6, et tien el resto del ponte fato. Scrive, subito passati heri che fono li alemani Adda, esso Proveditor mandoe in Lodi polvere et altre cose li bisognava, et ha aparechiato farine et formenti per mandargene, et ha mandato hozi in Lodi Zorzi Grimani, el qual ha disnato con el signor Zuan Paulo Sforza et è ritornato qui. Dice loro star in Lodi de bono animo. Et scrive, mandato che harà le farine in Lodi, esso Proveditor ritornerà in Brexa per proveder et pagar quelli fanti quali tutti cridano dimandando danari. Li inimici sono alloggiati di là de Adda, zoè quelli passorono. Dicono alcuni a San Gioan, alcuni a San Martin che sono lochi distanti da la Torreta per uno miglio, et li spagnoli alozano al solito.

Item, hanno retirato l'artellarie quale erano sotto el castello de Lodi un poco più indrio, et se tiene che *etiam* quelli del signor Antonio da Leva sono per levarsi, et se mormorava nel loro campo che i voleno andar a Milano per farsi dar certo pagamento de contribution che li viene, quale hauto voleno sachizar Milan.

Da poi disnar, fo Gran Consejo. Vene el Serenissimo, et fo assai più numero del solito credendo che si facesse do del Consejo di X in luogo de do Savi del Consejo; ma era notato di far, et il Serenissimo non volse se facesse perchè fin 12 zorni se farà li ordinari et basterano a suprir.

Fu poi per Costantin Cavaza secretario leta una supplication di sier Zuan Pixani qu. sier Alvise procurator, qual dice fu electo Procurator *de citra* a intrar del 1532, et lui voria, essendo morto suo padre a li servicii publici, intrar in loco suo Procurator di la chiesa, zoè dei 1529 a di primo Marzo, et in questo mezo non vol nè salario nè la casa fin 1532.

Et li Consieri et Cai di XL messeno la parte di

conciaderli *ut supra*. Fu presa. Ave: . . . non sinceri, 408 di no, 612 di si, et fo stridà presa. La copia sarà qui avanti.

Fu posto, per li Consieri, dar licentia a sier Zuan Jacomo Bembo capitano et proveditor a Legnago de poter venir in questa terra per zorni 15, per curar la sua egritudine *ut in parte*. Fu presa.

146

Scurtinio di un Censor.

211

Sier Hironimo Querini fo Savio a terra ferma, qu. sier Piero	53. 90
Sier Tomà Donado fo capitano in Cadore, qu. sier Nicolò	42.102
Sier Alvise Barbaro fo Cao del Consejo di X, qu. sier Zacharia cavalier, procurator	78. 66
Sier Michiel Merexini fo Savio a terra ferma, qu. sier Piero	96. 93
Sier Marco Antonio Contarini fo Savio a terra ferma, qu. sier Michiel	44. 95
Sier Jacomo Antonio Orio Savio a terra ferma, qu. sier Zuane	30.115
Sier Marin Sanudo fo di la Zonta, qu. sier Lunardo	51. 91
Sier Andrea Barbarigo fo al luogo di procurator, qu. sier Nicolò	65. 72
Sier Vincenzo Trun fo capitano a Bergamo, qu. sier Priamo	49. 98
Sier Anzolo Gabriel fo avogador di Comun, qu. sier Silvestro	45.100
Sier Alvise Capello qu. sier Hironimo, fo di Pregadi	37.106
Sier Troian Bollani qu. sier Hironimo.	63. 82
Sier Polo Valaresso fo podestà a Bergamo, qu. sier Gabriel	74. 30
Sier Zuan Antonio Venier fo avogador, qu. sier Jacomo Alvise	39. 99
Sier Nicolò Justinian fo baylo et capitano a Napoli di Romania, qu. sier Lunardo	50. 90
Sier Andrea Mocenigo el dottor, Savio a terra ferma, di sier Lunardo procurator, fo del Serenissimo	56. 85
Sier Nicolò Mocenigo fo provedador al sal, qu. sier Francesco	56. 86
Sier Mafio Lion fo avogador di Comun, qu. sier Lodovico	34.109
Sier Zacaria Valaresso fo capitano a Zara, qu. sier Zuane	34.111